

馬巷廳志

卷十六

馬巷廳志卷之十六

列女

女貞不字從一而終其生長儒門嫻習禮法與
境地安閑從容合度固可風也若甕牖蓬樞深
谷窮壤而松栢本性百折不回尤足多焉至於
變起倉卒身經多難列女之事其夫與忠臣之
事其主其義則一巾幗女子不媿鬚眉謂非天
地之正氣所特鍾哉志列女

貞烈

陳款五
金鐘
師錫

八
九

重
贈

明

黃氏名順娘許文潛妻文潛遊漳爲郡諸生及疾危
囑順娘撫三歲孤順娘泣曰卽不起決不後君一
日文潛卒氏卽自縊年三十三嘉靖三十年旌表
許氏名端娘諸生洪伯大妻歸數年未有子勸夫納
妾伯大義之娶陳氏生二子氏愛如已出伯大死
視含殮畢收其遺書付陳曰吾哀中恐有遺忘汝
慎藏之好護幼兒潛入卧內縊死

陳氏名菊娘浯洲諸生呂潤妻年二十夫歿哀毀絕

粒姑讓之曰汝欲以二喪累我耶乃就食後母家有以年艾家貧探其意者憤告其姑曰婦生而啓人伺不如死遂服毒而卒

吳氏諸生王式妻嘉靖己未避倭大嶺寨中寨陷被執罵賊不絕口賊將殺之有告其爲大家妻可挾以索贖者乃令蔡嫗扶之行適見道旁有深泉數十丈遂投而死

許氏名梅娘董林宋隱山子妻嫁未幾夫得痼疾奉之無情容夫死誓不二志事姑孝謹父憐其少無

子逼使再適臨遣投海而死漸漲而屍不流人以爲異

陳氏名大娘諸生開春女呂重熙未婚妻幼通女誠及列女傳熙歿易服號哭跪母請奔喪母以父外出難之適呂家婢餽奠餘遂約其姑來夕與往夜寢柩側家人常聞二人語聲越數日賣簪珥舉奠梳沐結束拜舅姑納婚帖袖自縊時年一十九其父適歸知而不能止也有司紳士多往拜之經二日面猶如生

戴氏名一娘新垓諸生陳耀奎妻事王舅姑及舅姑
皆孝年二十六夫歿慟垂絕姑慰之且曰吾獨子
無嗣聞婦哭聲腸益斷氏乃吞聲掩泣目爲之翳
及大祥私制殮服時向王姑言曰刃死膚傷藥死
腸穢孫婦願以縊死將縊必浴而更服不使死後
經他人手王姑駭之則曰戲耳及禫制畢閉門死
如其言

呂氏西倉人適許子輝夫歿禫闋卽吞藥死時年二
十有六

王氏名五娘許世鍾未婚妻擇日將婚世鍾遠出屆期未歸舅姑謂日吉乃迎媳以待子越三日訃聞世鍾先二月逝矣五娘遂以婦服拜舅姑旋入房自縊時年十九家人俟其櫬歸合葬之

葉氏名三娘沙美人張一睦妻夫客死喪歸將殉父母遣其幼弟同起居以伺之及大祥撫棺哭踊忽有白鷄自空飛下三娘曰吾夫生於酉魂招我乎遂自縊時年二十三復有貓踞床護其尸殮畢乃去

謝氏名愛娘東山外人武舉錫卿女陳五美未婚妻
年十五父死哀痛幾絕五美歿其夕氏恍見一男
子入門忽滅明日訃至欲自經母止之且曰果將
死宜死於陳遂請歸陳使乘肩輿曰非其時也徒
步入門吉服拜舅姑越三日衰服哭靈前日唯食
薦靈飯少許姑寬譬之曰伯氏有二子幸撫姪爲
吾兒後更數日次姪痘殤氏偕婢往未墳大慟還
求死益急家人嚴防之一日潛縊於樓繩斷脣裂
引刃剗去佯語姑曰毀形完節願事終身耳後舅

姑出視田務遂復縊卒乃夫喪撤靈之次日也時
甫年十八里閭以鼓吹迎柩祔葬夫墳先是氏叔
應仁娶林大娘仁死林以祥日自經氏弟元曉娶
陳初娘曉死陳亦以祥日自經又氏姑吉娘事見
貞節傳蓋一門一節三烈云數月前謝宅有榕樹
忽蒲吐斑枝花至是始知爲節烈之應

范氏名引娘金門所人楊廷樹妻以貧故未笄入楊
門久之乃成婚廷樹亦貧且長氏十六歲氏事之
盡禮養姑極孝後廷樹漁舟覆死氏年二十二沿

岸哭三日出血尸浮負歸葬之自制殮服囑家人
養姑存夫祀沐浴更衣自縊死

王氏名六娘東沙人陳台宜妻夫經紀海外歲罕得
歸後舟遇風死於安南氏年十九耗至招魂奠慟
屢絕謂夫體寒將燎遺衣薦之舅姑不從乃曰某
當自送耳將縊教夫弟善事二老囑母家殮事勿
傷舅姑財及死啓其篋則已衣與夫衣皆已牢結
之遂並納棺中

許氏名西娘後浦人許子備女呂登三妻夫業儒極

貧氏以女工助之衣食不給宴如夫歿殮畢葬命
工營兩穴將殉不從以手爬地指皆出血妯娌擁
之歸縊救之曰無庸也活一刻多痛一刻耳或曰
如舅姑何曰有夫兄及嫂在越三日復縊距夫死
四日耳時年二十一

陳氏名八娘陳坑人董嘉遇妻嘉遇少失怙恃家極
貧娶三月卽餬口他方氏年十七父母憐之促歸
寧夫弟二人甚幼竟攜之往居久恐見嫉復攜之
歸勤女工爲食鬻衣服使二叔習負販相佐祭祀

皆如禮及夫數歲無音耗父母勸他適曰未嘗相累何苦相迫耶又數歲大饑食草根及木皮鄰里又勸之曰吾唯不忍董氏數世鬼餒故爲是不然一死何難經十三歲嘉遇歸未一年卒治喪畢集族中長老跪告曰二叔幸長先祀有賴顧夫無嗣請以遺地爲祭田後毋侵混衆驢之定約而去氏喜曰吾今可以地下見夫矣次日自縊死足不離地面色如生年三十一

李氏名錦娘金門所人軍人開光女林繼賢妻繼賢

思老風示
早失怙恃開光撫成之氏年十六成婚事夫至敬
後繼賢无戎幕卒福州櫬至氏絕粒父勸之曰不
敢爲父母辱故如此卒哭沐浴更衣拜辭父母親
鄰從容入房自縊扶尸坐堂上面色如生年二十

四

李氏名怨娘青嶺人張子異妻子異貧儒居斗室氏
守禮聲不外聞後子異覓館南安輿疾未至家卒
氏決計必殉慮姑覺乃從容爲爨呵家人食之曰
吾不復爲若具食矣遂入房自縊年甫十八時一

日二喪不能備木鄰人捐貲殮焉

黃氏名大娘汶水頭人陳安衆妻年二十三夫客死
柩至辭父母將殉父母戒之曰死豈易事勿輕言
恐爲父母羞歸又與比鄰妯娌訣皆私哂蓋大娘
性拙似不慧故難之夫葬請舅勿封以俟屆三旬
招魂奠諸親畢集陪待如故少頃入房自經死

許氏名七官許若文女陳元登妻年二十二夫歿遺
一孤屢仰藥將死姑救之且責以撫孤越三月孤
痘殤哭曰無復望矣不死何待鍵戶更仰藥藥發

馬老屋
卷之二
頭搶地皆破姑又破戶急救治之甦後數日姑偶
出乃沐浴更衣自縊

許氏名良娘許敬女黃鼎在妻年十九夫從戎守城
城陷死焉氏哀慟矢殉或以突圍他投寬之乃祝
天日惟一餐以俟耗嘗一至母家勸以他適不應
歸遂與母絕既經年終無音耗竟自縊死

劉氏名細娘劉湧人劉闢坤女陳肇岡妻舅振奇事
母以孝聞爲經歷卒於官家極貧氏勤女工撫夫
叔養姑至歿喪事如禮後軍興築城肇岡役死氏

投繯再四妯娌救甦之因念夫在日多貸人財未償死有遺憾乃益紡績織紵所得資盡還負主至大祥日自縊死年三十七

王氏名英娘後牛山人董尾吉妻尾吉貧不能娶以兵警乃迎歸經年始合卺氏秉禮前此未嘗通授受也奉姑處妯娌孝而和族戚稱之後尾吉以貧從軍溺死氏屢見諸夢知凶兆時暗泣偶往母家卽與妹訣及得夫死實耗慟曰已矣遂自經時年二十四旣葬墓常有陰雲竟日不散

徐氏名賽娘東埔人黃美舊志作尾妻美庶生子貌極寢

氏入門事嫡庶二姑皆孝於夫尤愛敬備至及夫病久奉侍不懈夫歿抱持欲同納於木及葬又自投穴中家人皆力挽之出居半歲父母奪其志遣婢命歸寧叱去之死意益決復於七月七日沐浴衣裳以紅帕自縊兩手端束面色如生年十八

翁氏後浦人某帥婢也長適歐妹後妹與氏從帥至吳淞犯軍法被刑橐葬焉氏痛不欲生帥將爲改配不從及帥家屬南返舟不泊岸氏望見夫墓哭